



Autoridade Aduaneira

Instrusaun Administrativu husi Komisáriu

Padraun Prosedimentu Operasional (PPO) ba:



“Transférensia no Liberasaun Internu ba Kontentór iha Armazén - 2023”

PPO 001 iha 12/06 / 2023

PARTA A: INTRODUSAUN PPO

1. Titulu Padraun Prosedimentu Operasional (PPO)
2. Ámbitu
3. Autorizasaun
4. Objetivu
5. Kumpri ho Padraun Nasional no Internasional
6. Integrasaun ho Ajénsia Governu nian Seluk (AGS)
7. Lejislasaun Aplikavel
8. Validade no Alterasaun
9. Na'in ba Prosedimentu
10. Implementasaun ba Prosedimentu ida ne'e
11. Kumpri ba Prosedimentu ida ne'e
12. Minimu Dokumentu Apoiu no/ka Rekizitu sira seluk
13. Wainhira Prosedimentu Ida Ne'e La Aplika

1. Titulu Padraun Prosedimentu Operasional (PPO)

PPO ida ne'e ofisiálmente sei rekoñese nu'udar:

"Transférensia no Liberasaun Internu ba Kontentór iha Armazén- 2023"

PPO foun ida ne'e substitui PPO Transférensia Kontentór anterior. Mudansa hirak ne'e reflete iha prosesu narativu no fluxugrama dokumentu ida ne'e iha okos.

2. Ámbitu

PPO ida ne'e limita ba transferensia kontentór sira entre área kontrolu Alfândega nian ida ba área kontrolu Alfândega nian seluk, hanesan Portu Baía Tibar ba Entrepóstu Autorizadu Alfândega ka ba Liberasaun Internu iha Armazén.

Kontentór ka sasan sira ne'ebe lokaliza iha ICD limita ba prosedimentu liberasaun ne'ebe estabelese iha dokumentu ida ne'e nia okos, no sasan komérsial – laos ba pasajeiru nia bagajen – liu valór \$1,000 to'o mai husi Aeroportu Dili, no sasan komérsial nian to'o mai husi Postu Edifisiu Dili.

3. Autorizasaun

PPO ida ne'e autoriza husi Komisáriu Autoridade Aduaneira haktuir iha provizaun sira tuir mai ne'e:

- a) Lei Orgániku Alfândega, Dekretu Lei 2/2020 husi 8 Janeiru 2020, Kapitulu III Estrutura Orgániku, Seksau 1 Orgaun, Artigu 9 (1c) "Komisáriu husi Autoridade Aduaneira", ne'ebe permiti Komisáriu atu: *aprova regra administrativa no/ka instrusaun nesesariu ba Operasaun Autoridade Aduaneira, inklui aplikasaun lejislasaun Alfândega*".

4. Objetivu

Objetivu husi PPO ida ne'e mak atu fornese instrusaun klaru kona-ba:

- a) Oinsa Operador ICD sei submete pedidu Transférensia Kontentór ba funzionariu Alfândega iha Portu Baía Tibar;
- b) Hafoin aprovasaun, uza pasajen kontentór atu transfere kontentór husi Portu Baía Tibar ba facilidade ICD;
- c) Oinsa Edifisiu Prosesamentu Reseitas no Entrada Alfândega iha Diresaun Nasional Jestaun Konformidade Alfândega sei responsavel no sei ezekuta servisu sira kona-ba liberasaun importasaun, eseptu ba:
 - Ezaminasaun fiziku ba sasan husi funzionariu ezaminasaun ne'ebe dezignadu automatikamente husi Diresaun Nasional Operasaun (DNO) iha Portu Baía Tibar;
 - Pagamentu ba impostu, taxa no kustu Alfândega iha Banku ne'ebe autoriza ona;

- Fo sai Release Order;
 - Kontrolu no Validasaun ba Exit Note;
- d) Oinsa funzionariu sira sei hala'o kada tarefa iha prosesu liberasaun importasaun, hahu husi simu Deklarasaun Sasan husi Alfândega liu husi fo sai número rejistrasaun úniku, to'o sasan ka unidade kargo sai husi area kontrolu Alfândega, hafoin completa pagamentu relevante impostu, taxa no/ka kustu sira seluk;
- e) Oinsa maioria huis etapa prosedural tenki realiza liu husi sistema Alfândega ASYCUDA World (AW), partikularmente evita rejistru manuál esternal iha kualker tipu;
- f) Oinsa mak deklarante ka ninia reprezentante sei halo interasaun ho Alfândega durante prosesu liberasaun ba importasaun, inklui ninia obrigasaun sira atu fornese informasaun adisional, wainhira nesesariu;
- g) Oinsa pagamentu ba impostu, taxa, kustu no penalidade sira sei selu uza metodu ne'ebe atualmente disponivel liu husi cash ka transférenzia internál iha postu BNU ka BNCTL ne'ebe autoriza ona;
- h) Oinsa sasan sei hasai ka libera husi funzionariu Alfândega iha ICD;
- i) Oinsa sasan ne'ebe atu sai sei autoriza no válida elektronikamente husi funzionariu Alfândega iha ICD;
- j) Integrasaun liutan ho AGS no Setór Emprezial kona-ba Prosedimentu Liberasaun

5. KUMPRI HO PADRAUN NASIONÁL NO INTERNASIONÁL

Funsaun Integrasaun Elektróniku ba importasaun/liberasaun hotu-hotu sei ajuda Alfândega no GoTL atu kumpri ba:

- a) *Dekretu lei 2/2020 (Estrutura Organizacionál AA) Artigu 4, 1(d) katak:*

Inklui prinsipi sira organizasaun nian husi flexibilidade organizasional;

- b) *OMA Konvensaun Kyoto Revizadu (KKR):*

Anexu Jeral, Kapitulu 3, "Liberasaun no Formalidade Alfândega nian Seluk", Padraun 3.1 to'o 3.45. Partikularmente, Padraun 3.25 ne'ebe kobre alojamentu anterior no rejistrasaun deklarasaun sasan (DAU) ne'ebe Alfândega tenki implementa iha futuru mai;

- c) *Akordu Fasilitasaun Komérsiu OMK (Bali, 2013) partikularmente relasiona ba:*

Artigu 7, "Hasai no Liberasaun Sasan";

- i.) Prosesu Pre xegada (seidauk implementa);
- ii.) Fo sai separasaun (Exit Note) husi determinasaun final ba impostu, taxa, kustu Alfândega (implementa ona);
- iii.) Jestaun Risku (implementa ona);
- iv.) Pós Auditoria Liberasaun (implementa ona, nu'udar auditoria meza);
- v.) Estabelesimentu no publikasaun tempu Liberasaun (seidauk implementa);

- vi.) Medida fasilitasaun komérsiu ba Operador Autorizadu/ Komersiante ne'ebe konfiavel (seidauk implementa);
- vii.) Haruka lalais/aseleradu – koreiu aeru (parsialmente implementa ona iha Aeroporto Dili)
- viii.) Sasan ne'ebe fasil atu a'at (agora dadaun, prosedimentu manual ba kada kazu):

Artigu 8. Kooperasaun Ajénsia Fronteira

- i.) Atu asegura katak Alfândega no ajénsia sira seluk responsavel ba kontrolu iha fronteira no prosedimentu kona-ba importasaun no esportasaun koopera ba malu no **koordena sira nia atividade atu fasilita komérsiu.**

Artigu 9. Movimentu Sasan iha Kontrolu Alfândega Pertense ba Importasaun

- i.) Kada membru tenki, ba medida ne'ebe pratiku, no fornese rekezitu regulatoriu hotu-hotu ne'ebe atinji, permiti sasan pertense ba importasaun atu muda iha teritoriu laran iha kontrolu Alfândega husi eskritoriu entrada **Alfândega ba eskritoriu Alfândega nian seluk iha nia teritoriu husi fatin ne'ebe sasan sira bele libera ka hasai.**

6. INTEGRASAUN HO AJÉNSIA GOVERN NIAN SELUK (AGS)

Funsaun liberasaun Integra husi Alfândega no Ajénsia governu nian seluk hotu (AGS), sai nu'udar prosesu úniku ida, ne'e mak pratika diak ida ba mundu tomak, desde nasaun sira ne'ebe dezenvolvidu no dezenvolve hela, administrativu Alfândega implementa ona tipu prosesu liberasaun ida ne'e, nu'udar xave importante ba simplifikasi, de-birokratizaun, no fasilitasaun komérsiu.

Iha ambiente nasional, Ajénsia Governu nian Seluk (AGS) ne'ebe partisipa iha prosesu liberasaun Alfândega, Autoridade Aduaneira implementa estratejia rua:

- Fornese Ajénsia Governu nian Seluk asesu ba AW kona-ba komputador iha postu Alfândega Portu Baía Tibar, wainhira sira hahu partisipa iha prosesu elektróniku AW;
- Dezenvolve prefíl risku kona-ba sira nia risku prinsipal, bazeia ba lista inisial bazíku ne'ebe fornese husi partisipasaun AGS (iha faze ida ne'e, Ministeriu Saúde, Ministeriu Transporte no Sekretariu Estadu Ambiente -redusaun substansia Ozonio)
- Partisipasaun iha plataforma TileSW atu automatiza prosesu no prosedimentu sira iha AW.

7. Lejislasaun Aplikavel

Lejislasaun tuir mai aplika ba prosedimentu ida ne'e.

A. Estrutura Orgániku husi Autoridade Aduaneira, DL 2/2020, 8 Janeiru

Artigu 9, 1c: Poder husi Komisáriu atu “aprova regra administrativu no/ka instrusaun administrativu sira”

B. Dekretu Lei Kódigu Alfândega 14/2017 – 5 Abril 2017

Provizaun espesifiku sira, mak hanesan tuir mai ne'e:

- a) Artigu 20, parágrafu c no e – La iha fatin ne'ebe bele uza nu'udar fatin ida iha Kontrolu Alfândega nia okos, eseptu autoriza husi Komisáriu;
- b) Artigu 25, parágrafu 1 to'o 3 - Supervizaun Alfândega ba área balun iha kontrolu Alfândega nia okos;
- c) Artigu 28, parágrafu 1 no 4 - Movimentu sasan sira iha kontrolu Alfândega entre armazén autorizadu Alfândega tuir regulamentu ne'ebe determina husi Komisáriu;
- d) Artigu 29, parágrafu 1 to'o 3 - Autorizasaun ka lisensa bele kansela karik operador armazén Alfândega la kumpri ho regulamentu ka komete ofensa ruma;
- e) Artigu 108, parágrafu 1 no 4. - Aprezentasaun kopía eletróniku husi manifestu mínimu oras 48 molok data xegada iha entrada Portu nian;
- f) Artigu 138, parágrafu 1 no 2. - Kolokasaun obrigatóriu ba sasan tuir rejime Alfândega iha Iorón 30 nia laran (to'o mai liu husi tasi) ka Iorón 20 (to'o mai liu husi aeru ka rai maran);
- g) Artigu 139, parágrafu 1 no 2. – Sasan ne'ebe iha fatin rai sasan temporáriu autorizadu molok hein prosesamentu ba rejime Alfândega;
- h) Artigu 139, parágrafu 4.- Ema ne'ebe hasai sasan husi área kontrolu Alfândega molok hetan autorizasaun sei hetan penalidade administrativa;
- i) Artigu 142, parágrafu 2, karta (C). - Sasan ne'ebe iha fatin rai sasan temporáriu konsidera abandonadu husi Estadu, karik la hasai husi área kontrolu Alfândega iha Iorón 5 nia laran hahu husi tempu liberasaun nian;

Nota.- Liberasaun ne'e sei implementa husi Alfândega ne'ebe fo sai Release Order AW no Exit Note ne'ebe fo sai husi APORTEL, hafoin simu pagamentu iha BNU no hatama ba Modulu Kontabilidade AW.

- j) Artigu 155, parágrafu 1 to'o 3.- Espesifika katak:
 - Deklarasaun elektróniku Alfândega signifika katak transmisaun elektróniku ba Alfândega kona-ba detallu hotu ka dadus nesesariu atu aplíka rejime Alfândega; no
 - Kódigu identifikasiadu ne'ebe dezignadu ba deklärante ba identifikasiadu taxa nia objetivu mak atu konsidera nu'udar asinatura elektróniku ida.
- k) Artigu 156, parágrafu 1 to'o 5. – Fo detallu dokumentu sira ne'ebe nesesariu atu anexa ba iha deklarasaun Alfândega, hanesan:

- Fatura komersial ho deskrisaun jeral kona-ba sasan;
- Dokumentu sira nesesariu atu aplika rejime tarifa preferensial ka kualker medida seluk ne'ebe a'as liu rejime jeral aplikavel ba sasan ne'ebe deklara,
- Sertifikadu Saúde, fitosanitaria no kualidade ka seluk-seluk tan (karik aplikavel)
- Dokumentu kona-ba transporte ka rejime Alfândega anterior.

Nota 1.- Wainhira kria deklarasaun elektronikamente, dokumentu sira mensiona iha leten submete iha periodu maximu durante oras 24, hafoin submete deklarasaun.

Nota 2.- Fo atensaun ba artigu 81 kona-ba Kódigu Alfândega ne'ebe indika liutan katak:

"ba objetivu husi lei Alfândega, karik pesoál ida apresenta ka submete dokumentu ka pagamentu iha formatu Eletrónico liu husi Sistema Informaçao Alfândega haktuir ba kondisaun ne'ebe determina, documento ka pagamentu refere konsidera apresenta ka fornece bazeia ba data no fatin ne'ebe lei determina ona"

- I) Artigu 157, paragrafu 1.- Tenki submete deklarasaun Alfândega iha area Alfândega ba sasan ne'ebe to'o mai;
- m) Artigu 157, paragrafu 2.- Bele submete deklarasaun Alfândega durante oras rua nulu resinhaat (24) molok sasan sira to'o mai;
- n) Artigu 158, paragrafu 1 no 2.- Deklarasaun Alfândega kesi/vinkula hela ba deklarante ka ninia reprezentante en termu husi:
 - Ezatidaun/Lolos,
 - Autentisidade kona-ba anexu dokumentu, no
 - Kumpri ba obrigasaun hotu-hotu ne'ebe asosiadu ho rai sasan tuir rejime ne'ebe deklara ona;
- o) Artigu 158, paragrafu 3.- Deklarasaun Alfândega ne'ebe kria liu husi meius elektróniku ne'ebe konsidera autorizadu hafoin simu husi Alfândega liu husi mensajen refere, nune'e ho meius ne'ebe hanesan, konsidera simu ona;
- p) Artigu 159, paragrafu 1 to'o 4.- Aseitasaun ba deklarasaun Alfândega karik formatu no dokumentu apoiu hotu-hotu prienxe ona rekezitu, oras no data aseitasaun no emisaun ba número rejistrasaun úniku, no efeitu juridiku husi aseitasaun ida ne'e;
- q) Artigu 160, paragrafu 1 to'o 3.- Alterasaun no substituisaun ba deklarasaun Alfândega molok hahu prosesu liberasaun;
- r) Artigu 161, paragrafu 1 to'o 3.- kanselasaun ba deklarasaun Alfândega bazeia ba pedidu husi deklarante;
- s) Artigu 162.- Verifikasiun no kontrola deklarasaun Alfândega;
- t) Artigu 163, paragrafu 1 to 3.- Avaliasaun kona-ba deklarasaun Alfândega;
- u) Artigu 164, paragrafu 1 to 9.- Notifikasiun ba bróker/deklarante kona-ba inspesaun fiziku ba sasan no Alfândega kontinua halo inspesaun karik bróker/deklarante lakoi atu atende;
- v) Artigu 165, paragrafu 1 to'o 4.- Oras no fatin ba ezaminasaun Alfândega no koordenasaun ho Ajénsia Governu nian Seluk (AGS) ne'ebe mak nesesariu atu halo kontrolu partikular ba sasan sira;

- w) Artigu 201, 1 to'o 6 - Responsabilidade husi Seguransa Armazén;
- x) Artigu 206, 1 no 2 - Autorizasaun atu transfere sasan entre Armazén Alfândega;
- y) Artigu 210, 1 to'o 3 - Medida kontrolu no Supervizaun Alfândega ne'ebe konsidera nesesariu atu asegura rejime armazenamentu Alfândega funsiona ho di'ak;
- z) Artigu 385, paragrafu 2.- Ba kalkulasaun limitasaun tempu iha Kódigu ida ne'e, mensiona kona-ba loron signifika katak "loron servisu nian".

8. Validade no Alterasaun

PPO ne'e tama iha vigor iha loron ne'ebe Komisáriu asina iha **Seksaun 17** husi PPO ida ne'e. Iha mudansa ka alterasaun ruma ba PPO ida ne'e tenki hetan aprovasaun husi Komisáriu, no tenki atualiza ho lolos PPO no sirkula ba pesoál Alfândega relevante.

9. Na'in ba Prosedimentu

Prosedimentu nia na'in mak Diretur Jeral Nasionál Jestaun Konformidade Alfândega (DNJKA), ho kooperasaun besik ho Diretor Operasaun Munisipal , Portu Baía Tibar (DOM), ne'ebe sei responsavel ba:

- a) Implementasaun no padroniza aplikasaun kona-ba provizaun sira hotu iha PPO ida ne'e, katak área kontrolu Alfândega iha ninia kontrolu;
- b) Asegura katak Diretor Operasaun Nasionál fo instrusaun ba Diretor Operasaun Munisípal, Portu Baía Tibar no funcionariu ezaminasaun atu kumpri totalmente ba PPO ida ne'e;
- c) Asegura katak funcionariu sira iha área operacionál ne'ebe iha ninia kontrolu iha Operasaun Portu Baía Tibar no lokalizadu iha ICD, iha asesu kopia eskrita ka elektróniku ba PPO ida ne'e;
- d) Asegura katak funcionariu iha área Operacionál ne'ebe nia kontrolu - CREP no Funcionariu husi Portu Baía Tibar no sira ne'ebe lokaliza iha ICD, simu ona formasaun appropriadu kona-ba oinsa atu aplika PPO ida ne'e;
- e) Foti medida koretiva karik la halo tuir PPO ida nee; no
- f) Propoin ba Komisáriu, kualker mudansa ka alterasaun husi PPO ida ne'e wainhira sirkunstánsia operacionál sira eziji.

10. IMPLEMENTASAUN BA PROSEDIMENTU IDA NE'E

Prosedimentu ida ne'e tenki aplika no implementa husi membru funcionariu Alfândega hotu-hotu, inklui maibe la limita ba:

- a) Funcionariu hotu ne'ebe servisu iha Prosesamentu Reseita no Entrada Alfândega (CREP); no
- b) Funcionariu hotu husi Diresaun Nasional Operasaun ne'ebe servisu iha Portu Baía Tibar no lokalizasaun ICD.

11. KUMPRI BA PROSEDIMENTU IDA NE'E

Parte hotu-hotu tenki kumpri ho rigorozu ba prosedimentu ida ne'e, no iha tempu hotu-hotu. Faila atu kumpri provizaun sira kontein iha PPO ida ne'e inklui, maibe laos limita ba:

- a) Funcionariu Alfândega: Asaun disiplinariu, husi suspensaun sein pagamentu salariu ba demisaun, ka asaun kastigu seluk ne'ebe foti hasoru ita";
- b) Broker Alfândega: husi blokeu temporariu ita nia asesu ba ASYCUDA World, to'o hasai ita nia lisensa ne'ebe funsiona nu'udar Broker Alfândega husi Autoridade Aduaneira;
- c) Importador/Komersiante: Aplikasaun penalidade administrativu no/ka hahu foti prosesu kriminal hasoru ita.

12. MINIMU DOKUMENTU APOIU NO/KA REKEZITU SIRA SELUK

Dokumentu apoiu rumu ne'ebe nesesariu atu submete elektronikamente iha AW husi broker/deklarante. Laiha DAU hard copy ka dokumentu apoiu ne'ebe nesesariu atu submete no sei la simu.

Dokumentu sira tuir mai, ne'ebe submete elektronikamente, iha kazu hotu-hotu, tenki apresenta:

- a) Fatura Komersial (Sei la aseita pro-forma fatura).
- b) Lista Embalajen/Packing List

Iha kazu balun, dokumentu adisionál sira karik presiza atu kumpri rekezitu regulatoriu espesifiku. Ida ne'e bele inklui, maibe la limita ba kopia elektróniku husi:

- a) Permisau no/ka lisensa husi Ajénsia Governu ka Ministeriu relevante;
- b) Dokumentu apoiu hodi prosesa sasan ne'ebe izensaun husi taxa no impostu sira ne'ebe reklama; no

13. Wainhira Prosedimentu Ida Ne'e La Aplica

Prosedimentu ida ne'e la aplika ba kualker sasan ne'ebe submete ona ba submisaun sujeitu, aseitasaun no absolvisaun DAU ba objetivu formuláriu regulatoriu Alfândega.

PARTE B: PROSEDIMENTU DETALLU SIRA

14. Prosesu Transférensia Kontentór ICD
15. Prosedimentu Liberasaun ICD
16. Prosesu Funsional Fluxugrama Kruzadu
17. Komisáriu nia Aprovasaun, Diretiva no Dizeminasaun
18. Rejistru Alterasaun PPO

ANEXU 1

ANEXU 2

14. Prosesu Transférensia Kontentór ICD

Pasajen Kontentór

1. Submisaun Peditu

Iha eventu ne'ebe sasan kontein *Full Container Loads (FCL)* ka *Less Container Loads (LCL)* presiza muda husi área kontrolu Alfândega ba armazén autorizadu Alfândega, aplikante tenki completa aplikasaun eletróniku iha ASYCUDA World (AW). Tenki completa área relevante hotu-hotu ho lolos, se lae, AA bele rejeita aplikasaun. Laiha rekezitu hodi fornese dokumentu asosiadu ka apoiu rumu nu'udar parte husi aplikasaun ida ne'e. Ezemplu husi pedidu ida ne'e mak iha **ANEXU 1**.

2. Aseitasaun Peditu

Diretor Operasaun Portu AA, ka ema ne'ebe dezignadu, sei responsavel ba asesu AW hodi identifika kualker pedidu ne'ebe simu ona.

3. Avaliasaun Peditu

Diretor Operasaun Portu AA, ka ema ne'ebe dezignadu, sei responsavel ba revizaun no aprovisaun ka rejeita pedidu hotu-hotu. Karik pedidu ne'e hetan ona aprovisaun, aplikante presiza atu imprime kopia dokumentu autorizadaun. Ezemplu husi autorizadaun ida ne'e mak iha **ANEXU 2**. Karik pedidu ne'e la hetan aprovisaun, aplikante sei hetan notifikasiun ho razaun tanba sá.

4. Validasaun iha Portu Baía Tibar

- a) Hafoin pedidu ne'e hetan ona autorizadaun, funzionariu AA sei scan ba kódigu QR iha baze autorizadaun no rejistru iha AW. Karik scan QR la disponivel ka labele lokaliza, funzionariu AA sei buka rejistru refere liu husi número kontentór.
- b) Funzionariu AA sei válida rejistrasaun iha AW hodi konfirma katak kontentór atu sai husi área kontrolu Alfândega;
- c) Prosesu ida ne'e sei kria "Release Order" ne'ebe automatizadu iha sistema AW no haruka ba TPSA.
- d) Surat-tahan autorizadaun sei fo fali ba kondutór transporte ne'ebe sei rai kopia ida nu'udar viajen iha dalan ba armazén autorizadu Alfândega;

5. Validasaun Portaun Entrada iha Libersaun Internu iha Armazén

- a) Wainhira too iha portaun entrada, kondutor presiza fornese surat-tahan autorizasaun ba funzionari AA ne'ebe lokaliza iha portaun entrada;
- b) Funsinariu AA sei scan ba kódigu QR iha baze autorizasaun no rejistru iha AW. Karik Scan QR ne'e la disponivel ka labele lokaliza, funzionari AA sei buka rejistru refere liu husi númeru kontentór. Wainhira lokaliza ona, Funzionariu AA sei konfirma autentisidade husi surat-tahan autorizasaun hasoru detallu ne'ebe kontein iha AW;

Nune'e, funzionari AA sei halo ezaminasaun fíziku ba parte esterior husi kontentór ba objetivu verifikasiun:

- Númeru kontentór
 - Númeru segel
 - Númeru veíkulu transporte
 - Naran kondutor
- c) Karik iha diferensia ruma ne'ebe identifikadu, funzionari AA sei notifika ba Diretor Operasaun Portu AA, ka ema ne'ebe dezignadu, imidiatamente. Nune'e, tenki muda kontentór ba area seguru molok funzionari AA halo ezaminasaun ba kontentór;
 - d) Hafoin válida ona pedidu no halo ona verifikasiun ne'ebe relevante, funzionari AA sei absolve rejistru iha AW hodi konfirma katak kontentór to'o ona iha área kontrolu Alfândega;

15. Prosedimentu Liberasaun ICD

Prosedimentu Liberasaun ida ne'e fahe ba etapa xave haat (4) diferente, ne'ebe deskreve detallu liu tan iha okos.

AA iha kompromisu atu aplika metodolojia baze jestaun risku ba atividade operacionál. Karik identifika diferensia ruma wainhira hala'o Faze 3 (deskreve iha okos), ka iha tempu seluk durante aplikasaun husi prosedimentu ida ne'e, entaun funzionari ne'ebe trata kazu refere tenki hato'o sira nia deskobrimentu ba Departamentu Jestaun Risku. Iha ne'ebe apropiadu atu halo, tenki inklui funzionari ne'ebe elabora no submete Peditu Prefil ASYCUDA utiliza formuláriu APR 1.

FAZE 1: BROKER SUBMETE DAU NO DOKUMENTU APOIU, REJISTRASAUN NO

AUTO-AVALIASAUN

Broker/deklärante mak responsavel atu kria no submete deklärasaun Alfândega (DAU) ba AW no dokumentu apoiu, no atu halo ida ne'e nia tenki kumpri etapa sira ne'ebe subliña iha okos atu atinji pontu legal krítiku husi "Rejistrasaun":

1. Hatama informasaun relevante ba DAU ho lolos iha ASYCUDA World (AW), hafoin Scan no submete kopja dokumentu apoiu hotu-hotu ne'ebe klaru no elijivel;

2. Verifika "kódigu lokalizasaun" ne'ebe loos ne'ebe submete ona iha ICD;
3. Hanehan opsaun "Verifika" iha AW hodi deteta informasaun ruma, erru konsistensia ka validasaun, hadia ne'ebe nesesariu no "Verifika" tan atu asegura alterasaun sira rejistru ona;
4. Hanehan opsaun "Avaliasaun" iha AW;

AW sei responde ho "**Numeru Rejistrasaun**" no sei ativa selektividade liu husi diriji DAU ba iha Liña ida husi liña diferente haat: Mean; Kinur; Azul ka Verde. AW mos sei haruka sistema email automatiku ba broker/deklarante ne'ebe autoriza ona hodi indika katak DAU ne'e "Rejistru ona".

Tarefa Faze Krítiku	Sé mak involve	Impaktu
1. Submete detallu DAU iha AW	<ul style="list-style-type: none"> • Broker/deklarante • Prosesu elektróniku AW 	Detekta Dadus DAU iha AW
2. Koko atu "Asesu" DAU husi broker/deklarante	<ul style="list-style-type: none"> • Broker/deklarante • Prosesu elektróniku AW 	Fo sai DAU "Nr Rejistrasaun". Ativa Seletividade AW

Hahu husi ne'e ba oin faze sira tuir mai iha prosesu jerál sei la hanesan kada liña.

FAZE 2: LIÑA VERDE/AZUL

DAU sira ne'ebe diriji ba liña Verde ka Azul iha prosesu badak ida ne'ebe lalais, hanesan tuir mai ne'e (kontinua número tarefa husi faze 1-Nr 3):

4. Karik DAU ida diriji ba Liña Verde ka Azul, AW sei hasai "**Número Avaliasaun**" no sei haruka mensajen sistema automatiku ba broker/deklarante autorizadu indika katak DAU "**Avalia**";
5. Avaliasaun DAU Liña Verde bele hasai sein halo ezaminasaun ruma tan;
6. Avaliasaun DAU Liña Azul bele hasai sein halo verifikasaun dokumentariu ka ezaminasaun Fíziku ruma tan durante liberausaun, maibe sujeitu ba pós kontrolu liberausaun (*);

(*) **Nota:** Alfândega bele halo Pós Kontrolu Liberausaun iha tinan 5 nia laran husi Avaliasaun DAU Orijinal.

Ba DAU sira ho liña VERDE no AZUL, Broker/Deklarante simu estatutu mensajen AW "**Avalia**" no kopia PDF ida husi Assessment Notice AW (AN) atu kontinua ba pagamentu impostu/ taxa iha banku ne'ebe autoriza ona (BNU ka BNCTL).

DAU sira Liña Verde/Azul la verifika ka apresenta iha elektróniku ka iha hard copy ba CREP no tanba ne'e bele kontinua ba **Faze 3** iha prosesu elektróniku: "**Pagamentu ba impostu no Taxa**" iha Banku ne'ebe autoriza ona.

Tarefa Faze Krítiku	Sé mak Involve	Impaktu
1. Ativa Seletividade AW liña - Verde/Azul Avalia	• Prosesa elektróniku AW	<ul style="list-style-type: none"> • Fo sai “Nr Avaliasaun”; • Haruka Nota Avaliasaun PDF ba kroker/deklarante; • Estatutu mensajen AW ba broker/deklarante; • Laiha tan revista durante liberaasaun; • Bele kontinua ba pagamentu impostu/taxa
2. Ativa Seletividade AW – Hili kontrolu ba liña Kinur ka Mean	• Prosesu elektróniku AW	<ul style="list-style-type: none"> • Selesaun ba dokumentáriu ka dokumentáriu no kontrolu fíziku

DAU SIRA LIÑA KINUR NO MEAN HAREE IHA FAZE 2a, ka 2b no 2c.

FAZE 2A: LIÑA KINUR – EZAMINASAUN DOKUMENTARIU IHA CREP

Seletividade AW – iha kazu ida ne'e, diriji DAU ba liña Kinur – sei ativa “Alokasaun Automatiku ba Ezaminador” iha AW no prosesu sei kontinua iha CREP, ho tarefa sira tuir mai (numeru tarefa kontinua husi Faze 1-Nr 3):

4a. Iha CREP, Funcionariu ne'ebe servisu ba Verifikasioun Dokumentariu (**Kinur**) automatikamente simu notifikasioun elektrónika AW kona-ba DAU hodi verifika. Iha tempu ne'ebe hanesan, broker/deklarante mos simu mensajen husi AW katak DAU refere aloka ona ba ezaminador dokumentariu partikular. Ida ne'e broker/deklarante nia responsabilidade atu verifika karik DAU refere prosesa ona.

5a. Verifikasioun dokumentariu, funzionariu sei:

- a) Identifika razaun tamba sa DAU refere hetan selesaun (prefil ka random);
- b) Identifika no halo asaun kontrolu espesifiku ruma hanesan deskreve iha prefil AW seksaun “dokumentasaun”;
- c) Konfirma katak klasifikasioun tarifa, kuantidade, todan (karik aplikavel) unidade suplementariu, tipu sasan no valór ne'ebe deklara iha DAU tenki konsisten ho dokumentu apoiu (e.z. Fatura, no/ka lista embalajen, seluk);
- d) Hala'o verifikasioun ba DAU no dokumentu apoiu sira, klasifikasioun tarifa no valór, kuantidade iha fatura, no unidade suplementariu (karik Aplikavel);
- e) Asegura katak Métodu Valuasaun utilizadu refere halo bazeia ba Tabela 1 husi Kódigu Alfândega, Dekretu Lei 14/2017;
- f) Asegura katak kualker adisional ka dedusaun ruma ba Valór Alfândega ne'ebe rejistru ona iha Nota Valuasaun AW;
- g) Asegura katak autorizasaun ka sertifikadu ba rekezitu AGS – karik aplikavel – apresenta; no
- h) Kompleta Inspection Act AW, no hatama detallu sira husi ezaminasaun. Iha opsaun rua;

Opsaun 1. **Karik DAU “Conform”**, (laiha diferensia hetan iha DAU), examinador kompleta opsaun sira tuir mai ne'e iha AW:

- i.) Hili kaixa “Conform” iha Inspection Act AW;
- ii.) Marka maizumenus padraun verifikasi saun 4 ne'ebe halo ona;
- iii.) Diriji fali DAU ba Verde;
- iv.) **Avalia** DAU. AW fo sai **Assessment Notice (AN)** no haruka kopia PDF AN ba broker/deklarante hodi nune'e bele selu impostu no taxa. Simultaneamente, broker/deklarante simu estatutu mensajen AW “Avalia”.

Opsaun 2. **Karik DAU non-conform** (iha diferensia entre dokumentu no DAU) examinador halo hanesan tuir mai ne'e:

- i.) Hili kaixa “non-conform” iha Inspection Act AW
- ii.) Hili razaun non-konformidade husi numériku Erru /kódigu infrasaun & deskrisaun no kódigu Asaun iha Inspection Act;
- iii.) Kolia ho broker/deklarante hodi altera erru sira;
- iv.) Halo alterasaun ruma ne'ebe persiza, válida mudansa ruma no diriji fali DAU ba liña Verde;
- v.) **Avaliasaun** DAU (la fornese identifikasi saun penalidade). Ida ne'e permiti ba broker/deklarante atu imprimi AN;
- vi.) Karik DAU **non-Konformidade** envolve aplikasaun **penalidade**, no DAU haruka ba DNJKA (*) hodi kalkula kualker penalidade, bazeia ba "kódigu erru/infringementu" ne'ebe ezaminador hili. Penalidade sira sei aumenta ba AN;
- vii.) Wainhira **“non-conform”** no **“penalidade”** rezolve ona, examinador diriji fali DAU ba liña **Verde** no **avalia**.

Tarefa Faze Krítiku	Sé mak Involve	Impaktu
1. Halo ezaminasaun dokumentariu ba DAU sira liña Kinur	<ul style="list-style-type: none"> • Prosesu elektróniku AW • Funzionari CREP alokadu ba liña Kinur 	<ul style="list-style-type: none"> • Alokasaun automatiku husi ezaminador CREP • Estatutu mensajen AW ba broker/deklarante
2. Inspection Act – <u>Conform</u> , – Diriji fali ba liña Verde no Avaliasaun	<ul style="list-style-type: none"> • Prosesu elektróniku AW • Funzionari CREP alokadu ba liña Kinur 	<ul style="list-style-type: none"> • Identifikasi konformidade (“Conform”) • Fo sai Nr. Avaliasaun • Estatutu mensajen AW ba broker/deklarante: “Avalia”
3. Inspection Act – <u>Not Conform</u> , – DAU, tuir nesesariu – Aplika penalidade – Diriji fali ba liña Verde no Avaliasaun	<ul style="list-style-type: none"> • Prosesu elektróniku AW • Funzionari CREP alokadu ba liña Kinur • Broker/deklarante 	<ul style="list-style-type: none"> • Identifikasi Non-konformidade (“Not Conform”) • Fo sai Nr. Avaliasaun

		<ul style="list-style-type: none"> Estatutu mensajen AW ba broker/deklarante: "Avalia"
--	--	---

HAREE IHA FAZE 3 (Pagamentu Impostu/Taxa iha banku ne'ebe autoriza ona)

FAZE 2B: VERIFIKASAUN DOKUMENTARIU LIÑA MEAN

Objetivu dahuluk ba funzionariu ne'ebe verika dokumentariu liña Mean iha CREP mak atu halo ezaminasaun detallu ba DAU no dokumentu apoiu sira, no hodi nune'e diriji fali DAU elektronikamente ba ezaminador fíziku iha Portu Baía Tibar. Atu asegura klareza, tipu diferente rua husi asaun kontrolu liña Mean hirak ne'e lista ona iha "Verifikasaun Dokumentariu" no "Ezaminasaun Fíziku" iha okos. Entaun kontrolu rua refere iha ligasaun, no DAU bele avalia liu husi "Fusionariu Ezaminasaun Fíziku" hafoin completa verifikasiun rua refere.

Verifikasaun dokumentariu maizumenus inklui, tarefa sira tuir mai ne'e (númeru tarefa kontinua husi Faze 1-Nr 3):

- 4b. Iha CREP, funzionariu Verifikasaun Dokumentariu (**MEAN**) elektronikamente simu notifikasiun elektóniku AW ba DAU atu verifika;
- 5b. Funzionariu halo verifikasiun ba DAU no dokumentu apoiu, kuantidade, klasifikasiun tarifa no valór. Depende ba nia deskobrimentu husi verifikasiun dokumentariu, ka karik DAU entrega hikas fali ba Portu Baía Tibar hafoin halo Ezaminasaun Fíziku, detallu husi ezaminasaun sei hakerek iha Inspection Act tuir maneira ida husi maneira tolu (3) ne'e:

Opsaun 1. Karik DAU "Conform", (laiha diferensia iha DAU), ezaminador completa funsaun sira tuir mai ne'e iha AW:

- i.) Hili kaixa "**Conform**" iha Inspection Act AW;
- ii.) Marka maizumenus padraun revista 4 ne'ebe halo ona;
- iii.) Marka iha bandeira "**Halo ona Verifikasaun Dokumentariu**" atu nune'e kontinua diriji DAU ba ezaminador fíziku iha ICD.

Opsaun 2. Karik DAU non-conform, (hetan diferensia entre DAU no dokumentu apoiu), ezaminador halo buat hirak tuir mai ne'e:

- i.) Hili kaixa "**non-conform**" iha Inspection Act AW;
- ii.) Marka razaun non-konformidade husi numériku erru/violasaun kódigu no kódigu Asaun iha Inspection Act;
- iii.) Kolia ho broker/deklarante atu altera erru sira;
- iv.) Halo kualker alterasaun ne'ebe nesesariu, válida kualker mudansa; no

- v.) Marka iha bandeira “**Halo Verifikasaun Dokumentariu**” atu nune’e kontinua aloka DAU ba ezaminador fíziku iha ICD. AW haruka **mensajen automátku aloka** ba ezaminador fíziku iha ICD.

Nota Importante:

- Funzionariu ne’ebé verifika dokumentariu (**MEAN**) **la diriji** fali ba Verde ka la avalia DAU iha faze ida ne’e, nune’e bele halo hafoin ezaminasaun fíziku.

HAREE IHA FAZE 2c, ETAPA 6c – Ezaminasaun Fíziku iha ICD

Tarefa Faze Krítiku	Sé mak involve	Impaktu
1. Halo Ezaminasaun dokumentariu no Fíziku ba DAU sira liña MEAN	<ul style="list-style-type: none"> • Prosesu elektróniku AW • Funzionari CREP alokadu ba liña Mean • Funzionari ICD alokadu ba liña Mean 	<ul style="list-style-type: none"> • Alokasaun automatiku husi ezaminador CREP • Estatutu mensajen AW ba broker/deklarante
2. Inspection Act – <u>Conform</u> , – Diriji fali ba liña Verde no Avaliasaun	<ul style="list-style-type: none"> • Prosesu elektróniku AW • Funzionario CREP alokadu ba liña Mean 	<ul style="list-style-type: none"> • Identifikasi konformidade (“Conform”) • Fo sai Nr. Avaliasaun • Estatutu mensajen AW ba broker/deklarante: “Avalia”
3. Inspection Act – <u>Not Conform</u> , – DAU, tuir nesesariu – Aplika penalidade – Diriji fali ba liña Verde no Avaliasaun	<ul style="list-style-type: none"> • Prosesu elektróniku AW • Funzionari CREP alokadu ba liña Mean • Broker/deklarante 	<ul style="list-style-type: none"> • Identifikasi Non-konformidade (“Not Conform”) • Fo sai Nr. Avaliasaun • Estatutu mensajen AW ba broker/deklarante: “Avalia”

HAREE IHA FAZE 3 – (PAGAMENTU IMPOSTU/TAXA IHA BANKU NE’EBE AUTORIZA ONA)

FAZE 2C: EZAMINASAUN FÍZIKU LIÑA MEAN

Fuzionariu ezaminasaun liña Mean mak responsavel atu halo Ezaminasaun Fíziku ba konsignasaun, iha ICD ka área kontrolu Alfândega seluk. Ida ne’e sei inklui maizumenus tarefa sira tuir mai (númeru tarefa kontinua husi Faze 2b – tarefa 5b):

- 6c. AW automatikamente aloka funzionariu Ezaminasaun Fíziku ne’ebé simu email AW indika katak DAU hein hela atu halo ezaminasaun. Broker/deklarante mos simu email husi AW kona-ba ezaminasaun;
- 7c. Molok halo ezaminasaun, ezaminador vizualiza seletividade AW razaun ho selesaun DAU (prefil ka random) no vizualiza “**Instrusaun ba ezaminador**” iha prefil AW tuir “dokumentasaun”, nune’e mos kualker nota ka kualker instrusaun ne’ebé halo ona husi funzionariu verifika

Dokumentasaun iha Inspection Act atu gia ezaminador fíziku. Hafoin ida ne'e, ezaminador halo verifikasi sira tuir mai ne'e:

- a) Broker/deklarante prepara kontentór/konsignasaun ne'ebe prontu ba ezaminasaun no organiza tempu inspesaun ho ezaminador;
 - b) Konfirma katak konsignasaun ne'e koloka iha área adekuadu ne'ebe permiti nia atu halo ezaminasaun tuir regra ka regulamentu saúde no seguransa. Se karik la iha kazu ida ne'e, entaun funsionariu ezaminasaun tenki informa broker/deklarante;
 - c) Karik konsignasaun kontentoriza ona, entaun konfirma katak:
 - Númeru kontentór koresponde ho DAU asosiadu;
 - Selo/segel ne'ebe proteje odamatan kotuk sei tomak no livre husi sinal falsifikasi sira ka manipulasaun; no
 - d) Halo ezaminasaun hodi asegura katak sasan no kuantidade sira ne'ebe ezamina ona korresponde ho sasan sira ne'ebe deklara iha DAU no dokumentu apoiu. Ba efeitu ida ne'e, ezaminador sei halo notasaun appropriadu iha AW koneksaun tablet;
- 8c. Hafoin remata ona Ezaminasaun Fíziku, ezaminador hatama rezultadu ezaminasaun ba Inspection Act. Depende ba rezultadu ezaminasaun, iha opsaun rua:

Opsaun 1: Karik ezaminasaun “conform” (la hetan diferensia ruma iha DAU no/ka sasan sira), funsionariu ezaminasaun:

- a) Hili kaixa “**conform**” Inspection Act iha AW;
- b) Marka maizumenus padraun kontrolu 4 ne'ebe halo ona;
- c) Diriji fali DAU ba Verde no avalia DAU.
- d) Avalia DAU. AW fo sai Assessment Notice (AN) no haruka kopia PDF AN ba broker/deklarante hodi nune'e bele selu impostu no taxa. Simultaneamente, broker/deklarante simu estatutu mensajen AW “Avalia”.

Opsaun 2: Karik ezaminasaun “non-conform” (e.z. iha diferensia entre sasan sira & DAU), funsionariu ezaminasaun:

- a) Hili kaixa “**non-conform**” iha kaixa Inspection Act AW,
- b) Marka razaun non-konformidade husi erru numeriku/violasaun kódigu no kódigu Asaun iha Inspection Act;
- c) Karik DAU non-konformidade involve aplikasaun penalidade, ezaminador hakerek nota ida iha kaixa mamuk Inspection Act AW atu aplika penalidade husi DNJKA;
- d) Hili “**Query**” ba DAU atu transfere ba Ekipa Jestaun Risku ba Investigasaun.
- e) Hafoin kompleta investigasaun husi Jestaun Risku, CREP sei koalia ho broker/dekarante atu hadi'a erru sira;
- f) Halo alterasaun ruma ne'ebe nesesariu no válida kualker mudansa;

- g) Karik DAU non-konformidade involve aplikasaun penalidade, no haruka DAU ba DNJKA (*) atu kalkula kualker penalidade, bazeia ba kódigu "erru/infrangamentu" ne'ebe ezaminador hili. Penalidade sei aumenta ba AN;
- h) Hafoin rezolve ona "non-conform" no "penalidade" CREP diriji fali DAU ba liña Verde;
- i) CREP avalia DAU. Ida ne'e permiti broker/deklarante atu halo imprime AN;

Tarefa Faze Krítiku	Sé mak involve	Impaktu
1. Halo Ezaminasaun Fíziku DAU Liña MEAN	<ul style="list-style-type: none"> • Prosesu elektróniku AW • Funzionari ICD Ezaminasaun Fíziku alokadu Liña Mean 	<ul style="list-style-type: none"> • Alokasaun automatika ba ezaminador CREP • Estatutu mensajen AW ba broker/deklarante
2. Inspection Act – <u>Conform</u> <ul style="list-style-type: none"> – Diriji DAU ba funzionariu CREP alokadu liña Mean atu halo finalizasaun 	<ul style="list-style-type: none"> • Prosesu Elektróniku AW • Funzionari ICD ezaminasaun fíziku alokadu liña Mean 	<ul style="list-style-type: none"> • Konformidade ("Conform") identifikasiadu • Mensajen AW ba funzionariu CREP alokadu liña Mean
3. Inspection Act – <u>Not Conform</u> <ul style="list-style-type: none"> – Diriji DAU ba funzionariu CREP alokadu liña Mean atu halo finalizasaun 	<ul style="list-style-type: none"> • Prosesu Elektróniku AW • Funzionari ICD alokadu liña Mean • Broker/deklarante 	<ul style="list-style-type: none"> • Non-konformidade ("Not Conform") identifikasiadu • Mensajen AW ba funzionariu CREP alokadu liña Mean

FILA FALI BA FAZE 2B – ETAPA 5b, OPSAUN 3 (KOMPLETA EZAMINASAUN DAU)

FAZE 3: PAGAMENTU IMPOSTU NO TAXA IHA BANKU NE'EBE AUTORIZA ONA

Pagamentu Impostu no Taxa nu'udar kontinuasaun husi **Faze 1**, Etapa 3; **Faze 2**, Etapa 6; **Faze 2a**, Etapa 5a, no **Faze 2b**, Etapa 5b, Opsaun 3.

Broker/deklarante mak responsavel atu selu impostu no taxa ne'ebe nia simu iha DAU maximu durante loron lima (5) hahu husi data Assessment Notice (AN). Sira bele halo sira nia pagamentu, bele liu husi *cash* ka transfere elektróniku husi sira nia konta bankaria ne'ebe sira iha:

- Banco Nacional Ultramarino (BNU) lokaliza iha Dalan José Maria Marques, Díli; ka
- Banco Nacional de Comercio Timor Leste (BNCTL) located at 201 Av. Nicolau Lobato, Mandarin, Dili. Banco Nacional Ultramarino (BNU) lokaliza iha Av. José Maria Marques, Díli; ka

Nota: Iha opsaun ida atu selu impostu no taxa iha postu terminal uza Kartaun Banku BNU ka Kartaun Viza Internasional.

Iha faze prinsipal rua atu halo pagamentu, ne'ebe deskreve ona iha a) no b) iha okos:

- a) Pagamentu iha Edifisiu Banku ne'ebe Autoriza ona (BNU ka BNCTL)
 1. Broker/deklarante apresenta kopia husi Assessment Notice AW (A.N.) ba kaixa/cashier Banku hamutuk ho montante osan ba impostu no taxa indikadu iha A.N.;

2. Kaixa/Cashier BNU verifika montante ne'ebe aprezenta ho montante iha AN no simu pagamentu;
 3. Kaixa/Cashier BNU submete detallu husi pagamentu iha sistema Banku, fo sai imprime 2, tau karimbu no asina fatura Banku, no fo ba broker/deklarante.
- b) Submete Pagamentu iha AW iha Alfândega nia Kaixa/Cashier iha Edifisiu Jeral Alfândega.
4. Broker/deklarante aprezenta ba Kaixa/cashier Alfândega Resibu pagamentu Banku nian ne'ebe asina no tau ona karimbu;
 5. Kaixa/Chasier Alfândega submete pagamentu husi Resibu Banku ba AW. Ida ne'e sei fo kauza ba **estatutu** DAU atu muda ba "**Selu**" no mensajen eléktroniku sei haruka ba broker/deklarante atu konfirma estatutu ida ne'e;
 6. Kaixa/Cashier Alfândega fornese kopia 1 husi Resibu Banku no kopia 1 husi Resibu AW ba Broker/deklarante hodi aprezenta ba Alfândega iha ICD hodi fo sai Release Note.

Tarefa Faze Krítiku	Sé mak Involve	Impaktu
1. Pagamentu impostu no taxa iha banku ne'ebe autoriza ona	<ul style="list-style-type: none"> • Kaixa/cashier banku BNU ka BNCTL • Sistema banku Elektróniku • Broker/deklarante 	<ul style="list-style-type: none"> • Kollesaun Reseitas Governu • Fo sai Fatura pagamentu iha banku
2. Submete pagamentu impostu/taxa iha AW ne'ebe selu ona iha banku ne'ebe autoriza ona.	<ul style="list-style-type: none"> • Prosesu elektróniku AW • Kaixa/cashier Alfândega • Broker/ deklarante 	<ul style="list-style-type: none"> • Rejistru pagamentu iha dokumentu DAU AW • Estatutu mensajen AW "Selu" ba broker/deklarante • Fo sai fatura pagamentu AW

HAREE IHA FAZE 4

Fo SAI RELEASE ORDER

FAZE 4: FO SAI RELEASE ORDER

Ida ne'e nu'udar faze ikus iha prosesu liberasaun Alfândega no hala'o facilidade iha ICD ka, dala ruma, kontrolu iha área Alfândega seluk (e.z. entrepostu, armazén fatin rai sasan temporáriu, terminál produtu petrolífera).

Release Order nu'udar instrumentu legál fo sai iha AW, ne'ebe Alfândega autoriza atu hasai sasan (kargo jeral ka konteinerizadu) wainhira completa ona liberasaun formalidade hotu-hotu.

Iha Faze Prosesu ida ne'e, broker/deklarante nu'udar autór xave no responsavel ba:

- Aranja emisaun ba Release Order ho Alfândega;

- Kompleta no finaliza formalidade seluk sira ne'ebe laos relata ba Alfândega, hanesan pagamentu ba Operador ICD kona-ba kustu operasaun no kustu demurrage;
- Aranja emisaun ba Exit Note ho Operador ICD;
- Aranja transportasaun no movimentu ba kontentór ne'ebe apropriadu iha Odamatian Sai Portu nian.

Tarefa balun ne'ebe realiza iha Faze Prosesu ida ne'e bele muda bebeik depende ba kargo, karik kargo nu'udar *Full Container Load (FCL)* ka *Less Container Load (LCL)*, ne'ebe tipikalmente kargo salto (loose cargo). Tarefa sira iha Faze Prosesu ida ne'e mak hanesan tuir mai (númeru Tarefa kontinua husi Faze 3, Etapa 6):

7. Atu hetan Release Order, broker/deklarante apresenta ba funzionariu Alfândega iha ICD kopia Resibu ba pagamentu taxa no impostu.
8. Hafoin apresenta Resibu Pagamentu AW, funzionariu Alfândega sei konfirma validade Resibu Pagamentu AW iha AW no tuir mai sei kria **Release Order AW** no fornese imprime ida ba broker/deklarante. La nesesariu atu apresenta imprime DAU ka dokumentu apoiu.

Nota: Karik iha pedidu "Hold" ba DAU husi Diresaun Jestaun Risku, funzionariu ICD informa ba broker/deklarante, no sei la kria release order to'o razaun ba pedidu "Hold" resolve ona.

Tarefa Faze Krítiku	Sé mak Involve	Impaktu
1. Iha Broker/deklarante husu ba funzionariu Kontrolu Kargo atu fo sai Release Order.	<ul style="list-style-type: none"> Broker/deklarante Fuzionariu ekipa Kontrolu ICD Alfândega Prosesu elektróniku AW 	<ul style="list-style-type: none"> Kria Release Order AW ba DAU

HAREE IHA FAZE 5

FO SAI EXIT NOTE NO VALIDASAUN EXIT NOTE

FAZE 5. FO SAI EXIT NOTE NO VALIDASAUN EXIT NOTE

Faze ida ne'e akontese wainhira deklarante/broker prontu atu rekolla sasan sira husi fatin rai sasan (e.z. ICD, fatin rai sasan temporáriu ka área kontrolu Alfândega nian seluk).

Iha ICD, hafoin simu Release Order ne'ebe kria iha sistema AW, operador facilidade sei fo sai Exit Note AW wainhira pagamentu kualker kustu demora/demurrage no kustu tratamentu ne'ebe mosu durante prosesu liberausaun. Exit Note tenki "válida" iha sistema AW iha tempu sasan fíziku sai husi área kontrolu Alfândega.

Atu hetan Exit Note AW, broker/deklarante apresenta ba operador ICD, kopia ida husi Release Order AW.

9. Wainhira apresenta Release Order AW (ka simu Release Order AW liu husi sistema AW), operador ICD sei kalkula montante husi kustu operasaun no demora/demurrage atu halo pagamentu. La nesesariu atu apresenta imprime DAU ka dokumentu apoiu.


10. Broker/deklarante arranja transporte ne'ebe rejistu ona atu mai ICD no tula kontentór ba transporte.
11. Wainhira kompleta pagamentu kustu operasaun no demora/demurrage portu nian, tuir mai operador ICD sei halo **Exit Note AW** iha AW no fornese imprime ida ba broker/deklarante.
12. Wainhira atu hasai sasan, kondutór ka broker/deklarante aprezenta Exit Note ba Alfândega, ne'ebe Alfândega sei:
 - Identifika Exit Note iha AW
 - Verifika númeru kontentór/ konsignasaun ho Exit Note
 - Rejistu kondutor nia naran no rejistrasaun baskolante iha kaixa mamuk relevante
 - Válida Exit Note iha AW
 - Autoriza veíkulu no kontentór atu sai husi área ICD


Estatutu DAU iha AW muda ba "Sai" no automatikamente sistema haruka e-mail ba broker/deklarante.
13. Baskolante/kargo sai husi ICD


Tarefa Faze Krítiku	Sé mak Involve	Impaktu
1. Broker/deklarante husu Operador ICD atu fo sai Exit Note	<ul style="list-style-type: none"> • Broker/deklarante • Operador ICD • Prosesu elektróniku AW 	<ul style="list-style-type: none"> • Exit Note AW halo ba DAU
2. Aprezenta Kargo iha Odamatan Sai Nota Validasaun no Sai	<ul style="list-style-type: none"> • Prosesu elektróniku AW, • Funzionariu ICD Alfândega iha Sai/Exit • Broker/deklarante ka kondutór 	<ul style="list-style-type: none"> • Validasaun Exit Note AW, ba mudansa estatutu DAU "Sai" • Estatutu mensajen "Sai" AW haruka ba broker/deklarante


PROSESU REMATA

16. Prosesu Funisional Fluxugrama Kruzadu









17. Aprovasaun husi Komisáriu, Diretiva no Dizeminasau

Bazeia ba 9(1c) Dekretu Lei 2/2020 ne'ebe permiti Komisáriu atu: "aprova regra administrativu no/ka instrusaun sira ne'ebe nesesariu ba operasaun Autoridade Aduaneira, inklui aplikasaun lejislasaun Alfândega", ho ida ne'e ha'u:

- a) **Aprova** Padraun Prosedimentu Operativu (PPO) koñesidu nu'udar "PPO - Transférensia no Liberasaun Internu ba Kontentór iha Armazén - 2023";
- b) **Direta** katak PPO ida ne'e sei komunika ba funzionari AA relevante hotu-hotu, no ba funzionari AA hotu-hotu atu implementa, aplika no kumpri parte hotu-hotu husi PPO ida ne'e hanesan deskreve ona; no
- c) **Direta** katak PPO ida ne'e sei hahu vigór iha loron ida hafoin asina iha data ne'ebe iha okos.
- d) **Direta** katak PPO ida ne'e sei substitui no troka PPO sira anterior nian hotu kona-ba transférensia Kontentór entre área kontrolu Alfândega (espesifikamente PPO #003 aprova *ona 24 Julu 2019)

Asina iha loron.....12..... Fulan.....Junho.....2023



(Karimbu ofisial Alfândega)

José António Fatíma Abílio

Komisáriu
Autoridade Aduaneira
Timor Leste

18. Rejistru Alterasaun PPO

Alterasaun

Data Aprovasaun husi Komisáriu	Númeru Versaun	Naran dezenvolvedor	Naran revizor

PPO REMATA

ANEXU 1 – Rekezitu Pasajen Kontentór Elektróniku AW

The screenshot shows a computer window titled "ASYCUDA" with a banner featuring a globe and shipping containers. The main form is titled "Container Pass Number".

SAD Information:

- Customs Office: [dropdown menu]
- Importer: [text input]
- SAD Reg Number: 2018 [text input]
- Declarant: [text input]
- SAD Reg Date: [text input]

Container Details:

- Container No.: [text input]
- Vessel Name: [text input]
- Location: [text input]
- Destination: [text input]
- Truck No.: [text input]
- Trailer No.: [text input]

Signature and Acknowledgment:

I acknowledge receipt of Customs Container Pass Issued By: [text input] Mario F. da Costa Pinheiro

Representatives:

Importer's Representative: [text input]
Name & Signature: [text input]

Customs Officer: [text input] Mario F. da Costa Pinheiro

Seals and Examination:

Seals No.: [text input]
Expected Arrival Time to Yard: [text input]
Seals Affixed / Container Released By: [text input]
Seals Examined By: [text input]

Cargo Agent:

Cargo Agent: [text input]
Customs Officer: [text input]



ANNEX 2 - Printout of AW Container Pass



Container Pass for Movement Under Customs Control

Container Pass Number

P 6 20/07/2018

B/L Information

Customs Office *DIL 01 – Dili Seaport*

Voyage Number *1017N* **B/L Reference** *AEL0654062*

Departure Date *26/07/2018*

Container Number *CMAU1962600* **Vessel Name** *MCP London*

Truck No *TRUCK01* **Destination** *AREA01*

Driver Name **Driver ID**

I confirm that above information is correct. **Issued By** *Name*

Warehouse Operator/Shipping Agents Representative

Name & Signature *Agent* **Administrator:**

Seal No *123456* **Seals Intact** *Yes*

Expected Arrival Time to Warehouse Facility

26/07/2018 13:10:00

Seals Affixed / Container Released By **Seals Examined By**

Cargo Agent **Customs Officer**

Name *Name*



00018-090-000-012